



CANNEN ER VOUALH.




Er voualh e gue-mér hé hui-tel Pe lausq en



dud coh hou man-tel, Hag e choéj en tonnieu caër-



ran A-veit cànnein en nehué-han, A-veit càn-nein



en ne - hué-han.

1.

Er voualh e guemér hé huitel
Pe lausq en dud coh ou mantel,
Hag e choéj en tonnieu caërran
Aveit cànnein en nehué-han.

2.

O pèlleit, hui, ahuél ha glàu,
Amzér cri, amzér divalàu.
Assès é omb bet castiet
Dré er gouyan hir ha calet.

3.

Hui æstic ha hui truhunel,
Joëntet hou poéh doh me huitel,
Eit cànnein hemb cess noz ha dé
É ma deit en amzér nehué.

4.

Hui tud youanq ha hui tud coh,
N'en doh hui bremen joéiussoh ;
Cànnamb enta, rac en drougueu
E zou chanjet ol é joéieu.

5.

N'en dès mui nitra de zoujein
Nag anemis de gombattein ;
Ni e hell, a volanté vad,
Cànnein reih ha gobér chervad.

6.

En natur, en doar hag er gué
E guemér ol ou lehuiné ;
Rac ol en treu, hemb labourat,
A zé de zé e za de vad.

7.

Trompet-oh èl-quènt mar credet
É tei en treu d'oh é cousquet ;
Rac birhuiquin ne zeï argant
É ty en dén lách ha féniant.

8.

Nag é vehé er blai eurus,
D'ur féniant é ma malheurus ;
Labouret enta mar d'oh fin,
Ha troët en doar én hou jaldrin.

9.

Ur goh vod e lar : « Pe hâdér
É cavér treu hag é æstér ; »
Mæs péh ur boén zou d'er gouyan
Pe ne vé quet huizet d'en han.

10.

Sàuet mitin, sàuet hamdé,
Ha n'hou pou quet a beuranté ;
Mæs en dout treu ha cousquet rai
E hra bout peur quènt eid ur blai.

11.

Me zou bet ér Franç hag ér Spagn,
En Angleterr hag én Almagn,
Ha jamæs ne mès bet guélet
Er féniandet bout doctoret.

12.

Hui e gav é oh tud abil
Pe yunet d'en déieu vijil,
Mæs quènt bout quer fin èl ur voualh
É vou red d'oh yunein hou coualh.

13.

Quènt el livreu hag er scritur
É oen-mé doctor a natur ;
Me choéjé partout lein er gué
Eit laret splann er huirioné.

14.

Me houér partout ha, dré mémoér,
Er goh lézen hag en histoér ;
Ha, dré ma sàuan goal vitin,
Ne mès bet tam poén é tisquein.

15.

Me houér ehué er spagnolaj,
Mæs er breton zou gùel langaj.
« Quin ! quin ! quin ! » e zou me sònner,
Hi e zou breton pèn-d'er-ben.

16.

Èl ma laran « quin ! quin ! » perpet,
È clasq en dud gout me segret
Mæs me langaj e zou « coh ! coh ! »
Bremen n'hellein monnet pèlloh.

17.

Lod e lar d'ein é on friand
Ha lod aral é on gourmand,
Mæs pe zaibran eit bout « quètt ! quètt ! »
È on quèntoh ur sant ermit.

18.

Me zaibr en treu én ou natur,
Hemb clasq alén na confitur.
Me zaibr èl-quènt er pèh zou mad,
Mæs hemb bout jamæs délicat.

19.

Me houér e mès tud amiet
E lar d'ein monnet d'ou gùélet ;
Mæs pe gollér el liberté
È ma rai guir en amitié.

20.

Bihuet e mès guet me huitel,
Hantér divanch ha divantel,
Zou gùel guet n'ein eit bout én ty
Étal en tan hag én abri.

21.

Ne mès matéh na queguinour,
Ha me vihue èl-quènt guet inour ;
Hag a viscoah e mès er choéj
A ol en treu e gousq ér mæz.

22.

Quittance memb e mès tennet
Eit n'em bou résidanç erbet ;
Me zud ém raug e ré èl on
Ha jamæs n'en d'ind bet lairon.

23.

Dihoallet ehué, drès pèh tra,
A laret a nehaj nitra ;
Rac choéjet omb-ni het guet Doué
Eit distruj er prinhuat bamdé.

24.

È creis hou poén hag hou labour
È huitellan étal hou tor
Eit dischuéh ha difatiguein
Hou calon carguet a chagrin.

25.

Pe ne huélan quet a zanjér
È tostan d'oh é pèh amzér,
Ha me gann nezè guet dasson
Eit rein plijadur d'hou calon.

26.

Étal hou ty hag én henteu
È on partout ar er bodeu,
Hag é cànnan gloér hag inour
De guement e zou passajour.

27.

Dré me musiq, ag er mitin
É laran d'oh bean mad sauein,
Hag é tan hoah, liès én dé,
D'hou visitein guet caranté.

28.

Aveit hou laquat tout coutant
É on eid oh ur voualh argand,
Hag eit hou miret a laret
Ne talh quet er boén me sellet.

29.

Mui a vad e ra d'er galon
Ur voualh e huitel ar bep ton
Eit ne ra er gloéh ag en nean
De ol en doar é creis en han.

30.

Perac enta pe ran d'oh yad
É oh-hui doh ein quen ingrat ?
Ah ! casset a me hoal gonzein
Ha ne glasquet quet me lahein.

31.

En han e vé perpet caërroh,
Er jaldrinieu joéiussoh,
Pe gleuér én hai, peb mitin,
Er voualh doh hum rejoéissein.

32.

N'en dé caër na bourrabl ur vro
Ma ne vé moualhi ar en dro.
Ur voualh e gânn é pèn en ty
E tal cand scouéd ha marcé mui.

33.

Aveit cànnein d'en nehué-lian
É on-mé perpet er guetan ;
Hag a pe cess er pechonnet,
Me mès-mé hoah treu de laret.

34.

Boéh er voualh e zou quer joéius,
Hé mélodi quer graciüs,
Ma vehé ancoéheit daibrein
P'hi hleuér tranquil é cànnein.

35.

Gùelet d'en han ol ér mæzeu
Jaldrinieu caër ha boquetteu
E hra joé ha vad d'er galon
Pe gleuér ur voualh ér hanton.

36.

Dré en héaul é ma caër en dé,
Ha dré en deliäu ol er gué,
Hag en amzér n'en dé quet fin
Ma ne gânn er voualh de vitin.

37.

Quënt gobér hënt ha monnet pèl
Sellet mèn é ya me huitel ;
Rac guél vou paud hou condition
Mar d'oh tud a brécaution.

38.

Er gouyan memb e vé douçoh
Dré ma crian d'en ol : « cuoh ! cuoh ! »
Ha mar hou dès arlerh misér,
En hum dennent ag en affèr.

39.

Èl m'en dé requis me havet
È on ehué dré ol er bed
È cânnèin en amzér nehué :
Ah ! perac n'en d'oh hui bamdé !

40.

Me houér assès quènt me lausquein
È fal d'oh hoah m'interrojein ,
Èit gout perac me sæ zou dû
Deusto n'en d'on quet un eutru.

41.

Mem bêg ha deulegad milein
È garehoh hoah devinein ,
Mæs hinihue ne mès chet amzér :
Red-é gortoz bet déguinér.